

समे – 12:25 hrs.

<><><><><><>

PM-Swadeshi

प्रधानमंत्री नरेंद्र मोदी होरें सभनें नागरिकें दा आह्वान कीता ऐ जे ओह् ध्यारें दी इस रूतै दान स्वदेशी उत्पादें दी गै खरीद करन ते 140 करोड़ भारतीयें दी सख्त मेहनत गी उत्सव दे रूपै मनान। प्रधानमंत्री होरें लोकें गी खरीदी गेदी चीजें-बस्तें गी सोशल मीडिया पर सांझा करने दा आह्वान कीता ऐ। उनें आखेआ जे दुए लोकें गी बी उआं करने दी प्रेरणा देग। इक सोशल मीडिया पोस्ट च प्रधानमंत्री होरें स्वदेशी माल खरीदने दी लोड़ पर जोर भरेआ ते गर्व से कहो यह स्वदेशी ऐ, दा हिस्सा बनो। इस पैहलकदमी दा समर्थन करदे होई Mygov India आसेआ Celebrate Diwali and Empower स्वदेशी अभियान चलाया गेआ ते लोकें गी ध्यार आहलें उत्सव दान छड़ा स्वदेशी समेयान खरीदने दा प्रण पाने दा आह्वान कीता गेआ। एह् अभियान मुकामी दस्तकारें गी बढ़ावा देने दे महत्व गी उजागर करदा ऐ। इक स्नेह च My gov India पर प्रधानमंत्री मोदी हुंदे आसेआ वोकल फॉर लोकल राहें मुकामी दस्तकारें गी बढ़ावा देने महत्व गी उजागर कीता गेआ। इस अभियान गी उपभोक्ताएं च जागरूकता ते मान-सम्मान बधाने दे मकसद कन्नै शुरू कीता गेआ ऐ।

<><><><><><>

Diwali-Festival

रौशनी दा त्यौहार देआली अज्ज समूलचे देसै च रिवायती जोश-जज्बेक न्ने मनाया जा करदा ऐ। बुराई पर अच्छा ई दी जित्त दा प्रतीक एह् त्यौहार मंदिरें, घरें ते दकानें-हट्टियें ते होर दुइयें थाहें पर रौशनी कन्नै जगमग करियें मनाया जंदा ऐ। इस मौके पर लोक धन दी देवी माता लक्ष्मी दी

पूजा करदे न। देस भरै च बक्ख-बक्ख थाहें च शहरें-कस्बे दियें सड़कें बजारें गी रंग-बरंगी लड़ियें ते फुल्लें कन्नै सजाया जंदा ऐ। राश्ट्री राजधानी दिल्ली च लोक देआली मनाने लेई बक्ख-बक्ख बजारें च स्वदेशी चीजें-बस्तें दी खरीदारी च रूज्झे दे न। देआली दे मौके उपपर दिल्ली पुलिस नै सुरक्षा दे निगगर इंतजाम कीते दे न।

<><><><><><>

Prez. Diwali

देआली दे शुभ त्यौहार उपपर राष्ट्रपति द्रोपदी मुर्मू, उपराष्ट्रपति सी.पी राधाकृष्णन होरें देशवासियें गी बधाई दिती ऐ। अपने स्नेह च राष्ट्रपति होरें आखेआ ऐ जे देआली भारत दे सभनें शा प्रसिद्ध ध्यार शा इक्क ऐ। बुराई पर अच्छाई दी जित्त दा प्रतीक इस ध्यार गी लोक चार्यें-चार्यें मनांदे न। राष्ट्रपति होरें आखेआ जे देआली दा ध्यार आत्मचिंतन ते आत्म सुधार दी प्रतीक ऐ जेड़ा आपसी प्रेम ते भाईचारे दा स्नेहा दिंदी ऐ। राष्ट्रपति होरें सभनें गी देआली जिम्मेदारी, सुरक्षा ते पर्यावरण दे स्हाबे मनाने दा आग्रह कीता। उनें सभनें दी सुख-शांति ते समृद्धि दी कामना बी कीती।

<><><><><><>

Shah-Diwali

केंद्री गृह मंत्री अमित शाह होरें अज्ज देआली दे मौके पर सभनें गी शुभकामनां दितियां न। इक सोशल मीडिया पोस्ट च श्री शाह होरें भगवान राम अगगै सभनें लोकें दी तरक्की-खुशहाली ते बेहतर सेहत दी प्रार्थना कीती।

<><><><><><>

CM-Greetings

मुख्यमंत्री उमर अब्दुल्ला हों जम्मू-कश्मीर दे लोकें ते देसा दे होरनें हिस्सें दे कन्नो-कन्नी बाहरले देसें च देआली दा ध्यार मनाने आहले सभनें लोकें गी मबारकबाद दिती ऐ। उनें गलाया जे एह ध्यार आसें-मेदे, आपसी हिर्ख-प्रेम दा ध्यार ऐ जेड़ा दया, एकता ते आपसी सम्मान दे स्थाई मुल्लें दा प्रतीक ऐ ते भारत दी बन-सबन्नी सांस्कृतिक विरासत गी सगोसार करदा ऐ। मुख्यमंत्री हों आखेआ जे देआली जम्मू-कश्मीर ते समूलचे देसा दे लोकें लेई खुशहाली ते अमन-रमानदारी लेइयें आए।

<><><><><><>

LG-Visit

लेफ्टिनेंट गवर्नर मनोज सिन्हा हुंदी अगुवाई च भारती प्रतिनिधिमंडल कल भगवान बुध हुंदे पवितर अवशेष लेइयें एलिस्टा-कल्मीका गणतंत्र रूस थमां देसें लेई रवाना होए। भारत दी राश्ट्री निधि दे तौर पर मानता प्राप्त एह पवितर अवशेष 11 थमां 18 अक्टूबर तोड़ी इक हफते लेई कल्मिकिया आंदे गे हे। एहदा मकसद लोकें-लोकें बश्कार सरबन्ध तगड़े करना ते सांझी बौध विरासत गी मनाना हा। एहदा आयोजन भारत सरकार दे संस्कृति मंत्रालय, अंतरराश्ट्री बौध महासंघ, राश्ट्री संग्रहालय ते इंदिरा गांधी राश्ट्री कला केंद्र आसेआ आयोजित कीता गेदा हा। सेंट्रल मंदरै च आयोजित इक समारोह च बोलदे होई जिसी बुद्ध शाक्यमुनि,-सुवर्ण मंदर बी आखदे न, लेफ्टिनेंट गवर्नर हों महान बौध भिक्षुएं ते बौद्ध धर्म दे अनुयायिं गी संबोधित करदे होई आखेआ जे भगवान बुद्ध दे अवशेष भारत परतोई जाडन पर उंदी कल्मिकिया च मौजूदगी लोकें गी शिक्षित ते जागरूक करदी रौहग। पिछला इक हफता कल्मिकिया दे बसनीकें लेई बड़ा ऐतिहासिक रेया ते बौध अनुयायिं आध्यात्मिक खुशी दा एहसास कीता। अपने संबोधन च श्री मनोज सिन्हा हों आखेआ जे भारत-रूस मझाटै सांस्कृतिक ते आध्यात्मिक आदान-प्रदान सभनें शा बड़ियें प्राथमिकताएं चा इक ऐ। उनें आखेआ भगवान बुद्ध हुंदियां शिक्षा अज्जै दे दौर च बी उंदियां गै प्रासंगिक न ते मानवता लेई

ज्ञान दा स्रोत न। प्रेम ते अहिंसा दी उंदी शिक्षा वैश्विक समोध ते भाईचारे दा स्नेहा दिंदी ऐ। उनें आखेआ जे आध्यात्मिक मोक्ष मानवता लेई सभनें शा बड्डी निधि ऐ।

<><><><><><>

Army-Chief

सेना प्रमुख जनरल दपेंद्र द्विवेदी होरें उभरा करदियें सुरक्षा चुनौतियें दा मकाबला करने लेई भारती फौज दी पूरी तैयारी दी तस्दीक कीती ऐ ते अपने शा पैहले सेवा दे मुंडले सिद्धांत दा आह्वान कीता। जनरल द्विवेदी होरें मध्य क्षेत्र च अगेत्री चौकियें दा दौरा लाइयें फौजी अभियानें दी स्थिति दी समीक्षा ते फौजियें गी प्रेरित कीता। सेना प्रमुख होरें साबका फौजियें ते मकामी लोकें कन्ने बी गल्ल-कत्थ कीती। उनें सभनें रैंकें ते उन्दे परौआर आहलें गी देआली दी मुबारकबाद दिती। दौरे दरान श्री द्विवेदी होरें पिथौरागढ़ ते आहले-दोआले दियें अगेत्री चौकियें दे उचाई आहले इलाकें च तैनात फौजी टुकड़ियें दी तैनाती दा बी निरीक्षण कीता।

<><><><><><>

GST-CBIC

सरकार नै जंदे रोज माहवार GSTR-3B टैक्स भुगतान फाम्र जमा करोआने दी खीरी तरीक 5 दिन बदाइयें 25 अक्टूबर करी दिती ऐ। इक्क अधिसूचना च आखेआ गेआ ऐ जे सितंबर ते जुलाई-सितंबर तिमाही आस्तै GSTR-3B जमा करोआने आहले हुन 25 अक्टूबर तगर भुगतान करी सकदे न।

<><><><><><>